

中國方志叢書·華中地方·第七九七號

據

清·何慶朝纂修
清同治九年刊本

影印

江 西 省

武寧縣志

四

成文出版社有限公司印行

武甯縣志卷之二十四

武甯縣知縣粵東何慶朝

方技

絀甯之區山水奧異鍾英毓靈旁饒絕技雖云小道於
人有濟醫本岐經卜由易義洞闢陰陽精儲五味惟諸
術解皆古所器大道既離各執一藝神而明之道之所
麗簡冊昭垂於今炳蔚一行足觀用載勿替志方技

宋

吳尙洵宋慶厯間人善書能詩尤工山水嘗於尺幅中盡
華嶽之勢神宗嘉熙間召繪古杭勝概三百里稱旨授
朝議大夫

吳尙洵有道人將小妻磨墨數斗以棕掃成之相素

紙壁上取劍劃開中有五色雲擁樓殿一屏題吳鵬成
仙四字道人忽不見鵬乃入鍾鼎山玉清宮修煉以符
水濟人甚驗後徧遊名山至匡廬之麓遂迷跡焉
元

章道洪太平宮自然真人七世法嗣精道術嘗剗石遠山
造人物像數十各重千餘斤役白牛負之至宮菑蒲塘
山巔有石船相傳爲道洪所泛

按菑蒲塘由太平宮前踰嶺倚北極山偏仄行二三
里山勢伏處橫亘一嶂延袤里許壁立天際山土石
斑駁如萬派洪流洄洑洶湧巔有石船長數十丈廣
半之道洪常乘白牛陟其上飄然有長風破浪意牛
蓋亦有神術者後牛死瘞之山間至今有神牛塚云

明

潘荃字芳谷龍鬚人幼穎異通奇禽風角六壬諸數亦精唐許之術物色劉鋹于未達時後鋹爲將軍從征西南參謀軍事多所裨益鋹欲薦於朝荃固辭鋹以所用筇竹杖鐫詩贈焉

李愛元少讀書後學醫精研靈素盡會諸家之旨尤深脉理預決人疾病死生不少失嘗與一少年會席注目久之謂曰子陽氣外達真陰不守病且發矣宜亟歸後數日少年氣脫死又一產婦暴卒愛元審視良久曰是爲惡血所衝擊無死理灼以艾數壯大下血而甦其測驗多此類用藥以少爲貴每一二味服至十餘劑不易方病亦良已曰彼多方以求之者見病未真耳病在一經

以一二味攻之足矣伐其無故經所戒也所著有醫準反約論其言與喻昌張介賓合

國朝

盧元俊字黃耳安樂鄉南浦人爲諸生以易名家後兩目失明仍研慮爻辭彖象會七十二家之旨以究京焦之學遂精於卜筮吉凶休咎唯其所命居洪州十餘年一時有君平之目所著卜緝心解義類簡要爲世所宗

李蓮雲楊浦人性機警善詠諧能詩日可數十首與邑人汪瀾爲莫逆交每飲酒悲歌則激昂起舞有不可一世意人以狂士稱之後棄家爲道士所居無定在遇山水佳處則誅茅三五月旋徙他所尤精醫術測人死生順逆每奇中兼通薛伯宗徙癰之法聞貧兒旅客瘡疾取

囊藥相就或勞以果菽亦欣然攜之去遇富人延泊多
避不往或詰之曰若輩氣血爲酒肉錢穀所敗較難爲
力耳其傲慕如此

胡鈞大順義鄉人通秘笈雲符驅策雷電隨時輒應其鄉
有石鐘魑魅憑爲巢穴常出搏噬人道路相率紆避所
近雞犬牛豕攫之殆盡鄉人苦之鈞大作法祛治白晝
雷聲霹靂石鐘碎裂窟宅一空怪遂滅

艾芬字右苾下南鄉人幼慧有文名尋以病廢遂專心醫
理仲景傷寒論金匱玉函諸書洞悉源委所著有傷寒
括註雜病略諸書得其傳多所全活

王時性字恒卓坊市人家世業醫初習儒應童子試不售
遂研治內經洞悉脉理診人窮通壽夭多奇中然

不能容物視俗醫無可與語者人益忌之及奇病險症
非性不治性至諸醫環視拱聽觀所爲方且怪且駭性
曰無怖可立愈也果如所言性狀貌魁梧卒年八十邑
人士咸思慕焉

陳袞臣字山補別號六癖子穎憲能文詩亦有奇趣尤善
書法所爲行草八分大小篆皆妙絕一時邑侯鄭大敬
少尹王璋敬禮之爲布衣交居閒綽長髯喜詠諧能以
趣語合五方土音令人顧解又通詞譜音律之學興至
輒引檀板抱魚鼓歌聲徹門外與弟亦羣稱爲二妙子
乾光爲庠生竟不永年惜哉

張旅字蓋仙北鄉人少讀書能識大意後業醫洞徹脉理
博覽諸家書而變通之每遇疾則閉目凝思靜按脈委

故所爲方多奇中醫家咸則之著有孺子篇議論精當其兄望爲之序

鄧箕三坊市人花棚柯孝子性剛授以外科秘方用之神效遂操其術濟人年七十始集生平所歷著外科經驗方未脫稿卒子蘭乾郊續成之箕三天性孝友父遺中人產每食必有酒肉偕兄弟六人色養怡怡季弟敏爲諸生力學安貧旣析產箕三予百金助膏火鄉里慕之顏其堂曰雍睦與柯孝子並稱

孫匡淮監生匡涓恩貢曾孫衍忠廩貢呂章衍

熹俱庠生

林球元字於梧號真我坊市人品方有度少習儒書尤通醫理屢試未遇乃益研窮難經素問諸書臨症用方多神效居常濟世爲念無分貧富迎之輒往不言謝邑侯

石爲詳請於郡伯林充醫學年六十七母年九十朝夕
左右人尤稱道之子材茂職員

李舒字墨樵邑庠生二十五都人狀貌端嚴家貧授徒鄉
曲於醫理披郤導窾爲人治病診脉畢凝神靜思定一
方每三四易紙或定數方若先服中服後服無不病隨
方解與同都胡勿迷友善胡亦精於醫每聚首則相與
辨論務求理之至是遠近賴之李年五十餘卒胡艾年
死三日而蘇年七十餘卒合著有醫理互驗數卷貧未
能付梓

葉培春名葵順義鄉銀爐人父精醫學以本草諸書授徒
葵年十二竊聽熟之卽得其意有姨母病血痛延數醫
脉伏汗流口噤目閉咸束手母使往視曰血壅也投桃

仁三十粒下之而愈里人子患者病垂危哭聲達門外
夢眠曰熱攻心劈西瓜二枚食之立痊由是醫名大噪
其切脉能決壽夭窮通分甯蕭姓子陽氣達外真陰不
守夢見之執其手診曰不三日矣果二日死靖邑舉人
羅麟未遇時患胸氣恐成中滿診之謂脉清秀而長氣
不甚伸某年入泮病減某年登榜病瘳且有壽後年果
七十有四他如診汪某無十日活丁某必病大痲瘋藥
某必跛一足驗者甚夥南豐譚中丞尙忠贈以切巧冠
羣義甯州知州楊浩然贈以術精十全二額尙在爲人
樸茂忠誠延請者貧富皆往子孕丹精其術亦有父風
焉

李騰鳳字文峰北鄉滁陽村人祖父皆早世大母母氏以

節孝著丈峰幼孤體弱習舉業不任攻苦乃究心岐黃術後因以自治者治人多全活家頗饒好施予求診貧授以藥富亦不索謝爲人和厚自喜善調攝壽八十尙康強前令王贈杖朝國手額南昌學博黎爲製八十壽序

陳承羔字贊卿安樂鄉曉灣村人幼習儒以親老弟幼家寒窘改業醫研究靈樞素問之旨療病多中其貧苦無資者且授以藥輯有經驗急救良方行世又著醫案百篇未及梓前令陳瑞球寵以存心利物功能濟著手成春氣自和之句縣丞張鳳輝亦賜以和緩遺風額年踰六秩卒鄉里多感慕之

程銘字斂予一字西堂年豐南程人少工舉業不售遊處

士張閨楊之門肆力韓歐弼中彪外間情吟咏有梅花
詩百首尤精於靈素諸書黃之蘭刺夔州遣姪來甯旅
次患危症羣醫束手銘用奇方得生黃奉幣資書頌之
廬州府守戴鳳翔郵寄濟人得壽額

城市儒醫潘佩周道光年間授醫官著有方書待梓爲人
頗純篤

方畧北鄉人保舉醫學正科著有尙友堂醫案幼科輯要
各二卷殿撰汪鳴相贈以聯云砌上瓊枝留美蔭階前
瑤草散奇芬真儒醫也

張文翥字緝羽安樂鄉人純實老成不事機巧有漢陰丈
人遺風棄儒業醫垂五十載熟習靈樞素問諸書鄉鄰
有急病每跋涉不畏勞苦痊可不計直人咸德之年八

卷之六

洪達璵字並玉昇仁鄉人幼習舉業精岐黃得西昌喻君
醫門法律粵旨診病分經醫治縣中兼理爲時賢所契
著有醫書摘要待梓

武甯縣知縣東何慶朝纂

列女

陰陽之義妃乾以坤婦效其順永貞是敦斷臂封髮彤
史流芬之死靡他甘苦惡論惟武之區水潔山寒礫德
獨行常鍾於人余婦盡節三說誓信藥母脫姑厓石爲
輒竹扉古井地氣則然紀厥幽懿以範彞倫志列女

宋

昇仁鄉冷潭妻張氏紹興間叛將李成寇武甯家人爭先避
難張氏讓肩輿與長姒乘而自徒步賊追急赴水死

長樂鄉洞溪余釗妻李氏釗死長子大任方一歲次子大川
一母父母屢欲奪其志李立三說以誓不娶一

子當盡孝二曰爲人臣當盡忠三曰爲人婦當盡節卒不可強舅思聰目盲姑潘氏亦老病朝夕侍湯藥不少懈嘉定間旌表節孝後二子皆貴顯

冷元革妻吳氏嘉定初賊殺元革吳氏伏身替刃而死元革遂得復生

冷日華妻聶氏日煥妻董氏日起妻瞿氏景定元年遭亂寇至娣姒三人誓不受污連袂赴小塘水死

冷大章妻蕭氏少遭亂賊擄罵賊而死

竺梅英西門外竺壽翁女許配冷門未嫁夫死終身守節時稱竺夫人東門外石橋其所建也

冷幼發妻聶氏德祐元年遭兵掠義不受辱罵不絕口被割舌死

元

戴氏婦未詳其姓初戴復古未遇時流落武甯婦父憐其才以女妻之復古故有妻已而作歸計婦問其故告以實婦白之父父怒婦宛曲解釋以奩具贈復古仍餞以辭既別遂赴水死辭見藝文

有辨詳古蹟

明

長樂鄉盧鵬舉妻聶氏豐田人年二十有子伯軒方一歲舉卒於外計聞泣欲相從地下其家防守甚嚴數月不遂乃托紡績以給守者伺之稍懈遂自經死

盛善才知縣盛文郁孫女也故籍錢塘許配仁和潘有成未嫁成夭死才奔喪會水淹舍漂成尸才痛哭幾絕誓以終身不二後隨祖任武甯祖父卒於官遂家焉才乃招有成

魂以葬歲時祭必痛哭撫弟遺孤如海如江皆成立卒年七十葬石窩山一日石合其壠人謂其勁節所致善才詩
昆藝文

三硯盧貯妻夏氏德安縣夏以高女年二十一貯死子國良甫半歲姑崔氏老且病手足莫能舉食則匙之於口矢溲則負之如廁如是者五年而姑卒一夕夢夫來告曰吾寒甚顧其衣若墮水然覺而心驚詰朝往墓所啟穴視之則積水滿壙棺已朽矣泣抱骸骨歸寢所十三年始卜地而葬焉宏治間年八十詔旌其閭

盛珏妻李氏年十九珏死無子祖姑盛善才賦詩隱諷以觀其志李有誓章與善才編素相依五十餘年足不踰其庭其夫忌日及歲時致祭盡哀至老不衰卒年七十有七